



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De errore Lodeuici Lantgrauij, & de praedestinatione, cap. 27.

**urn:nbn:de:hbz:466:1-13177**

Sunt, propter humilitatē iterum restituti sunt. APOL-ZON. Vellem mihi ista, quia profunda sunt ex scriptu-ratum testimoniis apertius probari, quia nodus diui-nę prædestinationis multis via fui erroris. CÆSARIVS:  
 Nodus diuinæ prædestinationis mihi prorsus insolu-bilis est; Quis enim nouit sensum Domini, aut quis consiliarius eius fuit? attamē quæ superiūs dicta sunt, scripturarum autoritate referantur. Sanctus Iob de *Iob 14.*  
*Rom. 11.*  
 hominis mutabilitate loquens, dicit Deo; Constitui-sti terminos eius, qui præteriri non poterunt. Ecce in hoc loco habes, homini terminum viuendi à Deo cō-stitutum, & quod idem terminus intransgressibilis sit.  
 Quod verò eundem terminum quandoque quis male viuendo possit præanticipare, testis est Psalmista, qui *Psalm. 54.*  
 dicit: Viri sanguinum & dolosi non dimidiabunt dies suos. Si non cōceditur eis dies, quibus viuere poterāt, dimidiare, certum est illos longe infra terminum, cō-stitutum deficere. Similiter boni bene viuendo quan-doque merentur terminum suum præuenire, sicut de *Sap. 4.*  
 vno bono in omnium bonorum persona dicitur; Ra-ptus est, ne malitia mutaret intellectum illius, & ne fi-catio deciperet animam illius. Desinant ergo homines stulti stulta dicere, stultè credere, quia hodie pauci sunt principes, pauciq; nobiles, qui dies suos impleāt, & ad ætatem senilem perueniāt. Quare hoc? nimirum quia pauperes deprædantur, & pauperum lacrymis ante tēpus suffocantur. Vis ne audire exemplū de quo-dam tyranno, qui quia dies suos curtare peccādo non credit, liberius peccauit? APOLLON. Volo & desidero.

## CAPVT XXVII.

CÆSARIVS.

**E**X relatione cuiusdam viri religiosi cognoui, Lo-dovicum Lantgrauiuū, patrem Hermanni Lant-grauij, qui ante hos duos annos defunctus est, in errorem periculosum, non solum propriæ animæ, sed & subditorum substantiæ decidisse: qui cùm esset præ-dio ac tyrannus maximus, duras & plurimas in sibi cō-missum populum faciens exactiones, multas ecclesi-rum sibi usurpans possessiones, & propter hoc, aliaque

B 5

plurima



plurima mala, à viris religiosis corriperetur, qui ei  
proponebant in confessione penam malorum, & glo-  
riam electorum, verbum miserable respondit: Si pre-  
destinatus sum, inquit, nulla peccata poterunt mihi  
regnum cœlorum auferre; si præscitus, nulla bona mi-  
hi illud valebunt conferre. Et, sicut mihi dicere soli-  
tus erat nonnus Conradus senex monachus noster,  
de Thuringiæ partibus oriundus, versiculum illum  
*Psal. 113* Psalmistæ; Cœlum cœli Domino, terram autem dedit  
filijs hominum, loco prouerbij ad suam excusatio-  
nem arguentibus se proponebat: erat siquidem lite-  
ratus, & ob hoc amplius induratus. Et cum ei diceret  
viri timorati; Domine parcite animæ vestræ, desistite  
peccare, ne Deus prouocatus, peccatorem in pecca-  
tis occidat, iterum respondit: Cum venerit dies mor-  
tis meæ, moriar, non illum potero bene viuendo ex-  
tendere, neque male viuendo præuenire. Volens il-  
lum pius Dominus à tanto errore misericorditer re-  
uocare, & reducere ad meritum, infirmitate pericu-  
losa cœpit eum flagellare. Vocatus est medicus eius,  
vir bonus & discretus, & non solùm in physica, sed  
etiam in Theologia non mediocriter literatus: cui  
Princeps dixit: Ut vides infirmus sum valde, adhibe  
curam ut possim conualescere. Memor medicus illius  
erroris, respondit: Domine, si venit dies mortis vestre,  
non vos poterit cura mea morti subtrahere; si vero  
moriturus non estis de infirmitate ista, superflua erit  
medicina mea. Et ille: Quomodo sic respondest: si mi-  
hi non fuerit adhibita curæ diligentia, & dieta propo-  
rita, potero tam à me ipso quam ab alijs imperitis  
negligi, & ante tempus mori. Audito hoc verbo phy-  
sicus multum hilaris effectus, data occasione respon-  
dit: Domine si creditis vitam vestram posse protelari  
virtute medicinæ, quare hoc credere renuitis de po-  
nitentia, & operibus iustitiae, quæ sunt antidota ani-  
mæ? sine his anima moritur, sine his ad sanitatem, quæ  
est in futura vita, nemo peruenit. Consideras Latgra-  
uius podus verborum, & quod rationabiliter peroraf-  
set, dixit ei: De cætero medicus est animæ meæ, quia  
per

Per tuam linguam medicinalem Deus liberauit me à maximo errore. APOLLONIVS: Nunquid bene postea vixit Princeps iste? CÆSARIUS: Minimè, promisit verbis, quod non impleuit factis: qualis eius finis fuerit, cum quanta sarcina peccatorum obierit, pœna tormentorum illius in sequentibus te docebit. Reuertamur igitur ad præcedentia, quia longam hanc euagationem fecit interrogatio tua.

## CAPVT XXVIII.

**S**IC VIT multos trahit ad ordinem medicina infirmitatis, ita plurimos intrare compellit caminus paupertatis. Sæpe vidimus, & quotidie videmus, <sup>Panper-</sup> <sup>tate im-</sup> personas aliquando in seculo diutes & honestas, ut sunt milites & ciues, cogente inopia venire ad ordinem, magis ex necessitate volentes diuiti Deo seruire, quam inter cognatos & notos egestatis confusionem sustinere. Cū quidā vir honestus exponeret mihi conversionis suæ ordinem, adiecit: Cettè si in rebus meis habuissem prosperitatē, nūquam venissem ad ordinē. Noui quosdam, qui patribus siue fratribus conuerterebus, cōuersti renuerūt, & cū consumpsissent omnia sibi dimissa, tunc primūm venerunt, necessitatem pallio deuotionis palliātes, vel potiūs de ipsa necessitate virtutem facientes. APOLLONIVS: Non est necesse de talibus exēpla querere, cū videamus tali occasione plures maximè conuersos ad ordinem venire: sed beati sunt illi, qui diuitias habuerunt, & pro Christo illas contempserunt. CÆSARIUS: Non ideo beati, quia diuitiarum possessores, sed ideo beati, quia diuitiarum contēptores. Plus placuerunt Deo duo minuta viduę, <sup>Marc. 12</sup> quam multæ diuitium eleemosynæ. Scias etiam quosdam conuersti propter erubescētiā alicuius culpe, siue notam qualiscunque infamiae.

## CAPVT XXIX.

**I**VENIS quidam in domo nostra nouitius fuit, quē occasio huiusmodi ad ordinem traxit: Fuerat si- <sup>Nota in-</sup> quidē canonicus cuiusdā ecclesiæ in Colonia, qui cū fecisset Domino, clericō honesto, cuius tunc tēporis commēsalis erat, furtum, licet paruum, & à seruis <sup>famia.</sup> illius